

Сийрат дарслари (45-дарс)

СИЙРАТ
дарслари 45-дарс

ISLOM.UZ

Сийрат дарслари Шайх Мұхаммад Содиқ Мұхаммад Юсуф роҳимаҳуллоҳнинг «Бу – Расулуллоҳ соллаллоҳ алайхи васаллам» таржима китоблари ва «Ҳадис ва ҳаёт» нинг 19-жузъи асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

19:10 / 17.08.2019 3981

Ҳаё иймоннинг шўъбасидир

231. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайхи васаллам: **«Иймон етмиш нечта – бошқа ривоятда: олтмиш нечта – шўъбадан иборатдир. Ҳаё иймоннинг шўъбасидир»**, дедилар».

Бухорий ва Муслим ривоят қилишган.

Бошқа ривоятда: **«Унинг энг афзали – «Лаа илааҳа иллаллоҳ» дейиш ва энг кичиги – йўлдаги озор берадиган нарсани олиб ташлаш»** зиёда қилинган.

Муслим ривоят қилган.

232. Аббос ибн Абдулмуттолиб розияллоҳу анҳудан ривоят қилинади:

«Расулуллоҳ соллаллоҳу алайхи васаллам: **«Ким Аллоҳни – Робб, Исломни – дин, Мұхаммадни – Расул деб рози бўлса, иймон таъмини тотган бўлади»**, дедилар».

Муслим ривоят қилган.

233. Абу Саъид Худрий розияллоҳу анҳудан ривоят қилинади:

«Расууллоҳ соллаллоҳу алайҳи васаллам айтдилар: «Эй Абу Саъид, ким Аллоҳни - Робб, Исломни - дин, Мұхаммадни - Расул деб рози бўлса, унга жаннат вожиб бўлади».

Муслим ривоят қилган.

234. Суфён ибн Абдуллоҳ Сақафий розияллоҳу анҳудан ривоят қилинади:

«Эй Аллоҳнинг Расули, мен маҳкам тутадиган (бир) ишни айтинг», дедим. **«Роббим Аллоҳдир», дегин ва сўнг мустақим тур»,** дедилар. «Эй Аллоҳнинг Расули, мен учун энг хавф қилган нарсангиз нима?» дедим. Шунда у зот ўз тилларини ушладилар ва: **«Мана бу!»** дедилар».

Муслим ва Термизий ривоят қилган.

«Расууллоҳ соллаллоҳу алайҳи васаллам» китобидан